

Theologia.

Teol. 4003

Baltasarionis Iacobi: Quaestio Theologica de
gratia Dei. - pro licentia in S. Theologia
obtinenda



In Nomine Domini, Amen.

QVÆSTIO
THEOLOGICA,

D. E

59935^{III}

GRATIA DEI,

Ex Prima Secundæ D. THOMÆ:

A

M. IACOBO BALTAZAROWIC,

inter Collegas Maiores, Seniore Patre,

SACRÆ THEOLOGIÆ PROFESSORE,

Ecclesiarum, Cathedralis Cracouië: CANONICO,

Collegiatæ SS. Omnium PRÆPOSITO,

Curato Profouien: Contubernii Staringeliani Prouifore,

Studii Vniuersitatis Cracouiensis,

GENERALI RECTORE:

P R O

Licentia, in Sacra Theologia, obtinēda,



Publicè, ad Disputandum,

P R O P O S I T A,

In Lectorio D. Iagellonis Theologico.

Anno à Natiuitate Domini, M. DC. LXXXIII.

Mense Nouembri. Die 23 Horâ 15.

CRACOVIAE, TYPIS VNIVERSITATIS.

QVÆSTIO THEOLOGICA DE GRATIA DEI.

Vtrum homo, secundum statum, naturæ lapsæ, consideratus: possit, sine gratia, aut speciali auxilio DEI, omnes veritates naturales: & supernaturales, cognoscere, necne?

CONCLUSIO I.

Præter statum naturæ puræ, naturæ integræ, iustitiæ originalis, naturæ lapsæ, per Christum reparatæ, & statum patriæ, seu gloriæ æternæ: datur status naturæ lapsæ, in peccatum, sibi relictæ.

COROLLARIA.

- I. Initium huius status, naturæ lapsæ, & ex consequenti, omnis peccati, superbia fuit.*
- II Comes, huius superbia, fuit, malitia inobedientia, & gula.*
- III. His vitiis, quasi latronibus, liberè admisis, natura humana, spoliata est, iustitiâ originali, gratiâ sanctificante, Fide, Spe, Charitate, aliisque virtutibus, & donis supernaturalibus.*
- IV. Ultra hæc, eadem natura humana, orbata est, dono integritatis, immortalitatis, & impassibilitatis.*
- V. Insupèr homo, per peccatum originale, non tantum donis illis, quibus, in statu innocentie, ornatus fuit, priuatus est: sed etiam, in potentiis naturalibus, grauiter vulneratus.*

CONCLUSIO II.

Homo, in statu naturæ lapsæ, potest, sine gratia, seu auxilio speciali, cognoscere singulas veritates naturales, seu diuisiuè, tam speculatiuas, quam practicas.

COROLLARIA.

- I. Quamuis possit homo, in statu naturæ lapsæ, sine speciali gratia, cognoscere, omnes veritates artificiales, diuisiuè;*

- Et morales, quæ sunt principia, vel Conclusiones Philosophiæ moralis (cùm eadem sit ratio de illis, ac de speculatiuis) immò Et aliquas ex illis, quæ immediatè pertinent ad prudentiam: non potest tamen, attingere omne verum practicum, pertinens ad prudentiam, sine speciali auxilio.
- II. In eodem statu naturæ lapsæ, homo existens, totam collectionem veritatum, tam speculatiuarum, quàm practicarum, ordinis naturalis, sine speciali gratia, attingere nequit.
- III. Quòd homo, in statu naturæ lapsæ, in gratia gratum faciente existat, non potest gaudere ideò potentiâ expeditâ moraliter ad totam veritatum naturalium collectionem attingendam.
- IV. Etiam in statu naturæ integræ, non potuisset homo, omnes veritates speculatiuas cognoscere collectivè, absq; speciali auxilio: nec etiam practicas, quæ pertinent ad Philosophiam Moralem: benè tamen eas, quæ spectant ad prudentiam, Et operis executionem ordinantur.
- V. In statu innocentia, posteri Adæ, licèt plurimum scientiam, Et facilius, ac breviori tempore, consequi potuissent, quàm in statu naturæ lapsæ, vel integræ: non tamen omnium collectivè.

CONCLUSIO III.

Non potest homo, in statu naturæ lapsæ, veritates supernaturales, solis viribus naturalibus, & cum solo concursu generali, cognoscere, illisq; assentiri, prout oportet ad iustificationem, & salutem: sed indiget, ad hoc, speciali gratiâ & supernaturali auxilio DEI.

COROLLARIA.

- I. Ad assentiendum veritatibus supernaturalibus, siuè illæ sint supernaturales simul, ex parte obiecti, Et rationis sub Q^{UA}; siuè solum ex parte rationis sub Q^{UA}, seu motiui, gratiâ interna omninò requiritur.
- II. Ut virtutibus supernaturalibus assentiatur homo, sicut ad iustificationem, Et salutem oportet, non solum ex parte

intellectus; sed etiam ex parte voluntatis, auxilium supernaturale requiritur.

III. Hoc supernaturale gratiae auxilium, ex parte intellectus, & voluntatis necessarium, non solum, ad actum fidei formatam, quae est cum charitate; sed etiam ad actum fidei informis, qualis est in peccatore, requiritur.

IV. Assensus fidei, qualis ad iustificationem requiritur, nequaquam potest ab homine produci, non solum, quoad aliquem modorum, dissimilis; sed etiam quoad substantiam, & entitatem similis, & eiusdem speciei, cum illo, quem produceret adiutus auxilio gratiae, cum solo concursu generali, pertinente ad ordinem naturae; nisi adsit auxilium supernaturale.

V. Quando veritas est supernaturalis, ex parte obiecti cogniti, & ratio sub Qua, est naturalis, tunc potest homo, assentiri eidem, sine auxilio gratiae, viribus naturalibus: supposita reuelatione, & promulgatione Evangelii.



IN Veritate didici, nihil aequè efficax esse, ad gratiam promerendam, retinendam, & recuperandam, quàm si, omni tempore, coràm Deo, inueniaris non altum sapere, sed timere. sicut scriptum est: Beatus homo, qui semper est pauidus. Time ergò, cùm gratia arriserit; time, cùm abierit; time, cùm denuò reuertetur: & hoc est, semper esse pauidum. D. Greg: Serm: 77.

Gratia, balsamum purissimum est: & ideò, purum, solidum, & profundum vas, requirit. Idem super Cant: Serm: 54.

Ex quo omnia, per quem omnia, in quo omnia:
ipsi gloria, in saecula.



